



因樹樓題詩卷三

自雍正辛亥年起至丙辰年止

振珂

潛川

洪振玉全

編輯

振瑛

厲

鶚

號太鴻浙江錢唐人
孝廉

紅杏樓前鬧晚晴當年鶴髮手栽成休徵未減三
槐事慈訓難忘百藥名爲善從來多積慶讀書何
必羨浮榮他時待署鳴珂里蘭玉森森識此情

田

懋

號退齋山西陽城人
官刑部左侍郎

海上有樓居繁英覆廣除構成衢殞後花發劫灰
餘不墮三遷訓曾藏萬卷書從茲善封殖槐棘等



扶疎

吳士珣

號萊谿蘇州人
官編修

篤行作基址孺慕爲萌芽不室樓自聳不蕊樹自
華然而天地心此實所褒嘉感孚有至理因應無
纖差是以造物巧兼之人力加樓前挺高樹當春
燦紅霞永遠綿手澤表東海之涯

於國裳

號文學

江陰人

君家高樓面滄海畫棟雕甍浮瑞靄樓前千朶文
杏花春來映日舒丹彩此樓此花經幾時樓非舊
搆花新姿厥初締造由慈母手植名花垂燕詒母
在樓開花似綺丸熊畫荻皆於此朝吟宿雨殢花

肥暮讀霏煙帶樓紫荏苒年華樓漸傾母亡花萎
益淒清蓼莪賦罷花縈抱小宛詩成樓愴情乃睠
故園重卜築更培條肆加繁或花間彷彿珮聲遲
樓上依稀霜鬢肅卽今孺慕似生存手澤無忘罔
極恩登樓延頸有令嗣看花接踵多文孫廣陵名
勝侈第宅樓觀峩峩花奕奕儘教歌管醉年芳誰
似栢椿懷世澤人生富貴等浮漚至性由來不外
求欲訪東陶純孝士試尋因樹拂雲樓

劉

震

號東郊吳縣人
國學

茹荼和膽意如何愛日難延感蓼莪無盡白雲春
樹繞至今庭草夕陽多恩勤尙想含飴樂蔽芾空

懷孔邇歌擬拭雙眸登百尺綠陰深處影婆娑

張子成

號西秩徽州人
國學

黃海舊根芽欽傳節孝家德垂三世則樓切九天
霞聖善推文母榮施到杏花有懷風木恨樓外夕
陽斜

劉重選

號魁園山東文登人
進士官高州府

濱海洪家因樹樓母賢子孝孫好修採風問俗先
篤實顧茲奇節誰與儔共姜能矢栢舟志粉澤都
蠲棄簪珥櫛風沐雨三十年教育諸孤成偉器曾
於隙地植杏花歲久版輿行樂賒課孫以外無餘
事愛日方長忽易斜一朝風截慈雲散花逕悲涼

憂思滿夜迴如聞烏鳥驚颺起似聽猿聲斷孝子
撫樹動哀吟忍見荒蕪直自今經營落成未逾載
老樹詎知亦枯心本因懷母遂及樹乃復建樓勤
保護誰知樓樹遞成新空餘孺慕情難訴從來至
性感天真補種紅英又幾春繁枝庶庇孫曾茂莫
忘辛勤締造人

吳煜吉

號紫谷徽州人
官陝西膚施縣

種杏樓邊欲泣然緬思三徑付荒煙凭欄憶樹傷
遺澤感物懷親悵昔年輪奐聿新推大孝詩書裕
後邁前賢何須東海添佳話更羨西秦已豔傳
烏延客宦久淹留未獲來登因樹樓樹槁更生花

又放樓高獨上淚難收母儀壺範傳千古霜節冰
操播九州自愧俚言嗔不就心隨塞雁到邗溝

汪樹琪 號眉洲歙縣人
候補司馬

因樹為樓蠹海天丸熊大節與樓傳靈根已會蟠
桃古孝筍還同瑞杏鮮一片綠陰分繡閣千重朱
萼補亡篇齊雲空說星堪摘爭似看花倚日邊
天風吹落珮環音孺慕依依春樹心碧月一樓頻
入夢紅雲十里待成林香爐慈竹開真境石洞飛
蘿結遠陰事到滄桑難變處還將至性感魚禽

鄭燮 號板橋興化人
進士官山東濰縣

紅杏開還落高樓圯復新年年春色好猶想種花

人

暮雲樓上望獨立含情久乳燕銜花歸畫梁知傍
母

杏老還栽杏名花欲滿樓更須種萱草不是為忘
憂

張璨 號湘門湖廣湘潭人
進士官廷尉

我生十二幼而孤一字一卷母氏劬我孤母年踰
三十相夫鬻子秦西隅維先大夫死勤事廟堂賜
郵乘傳車是時母子兄弟扶攜歸來湘水畔內患
外侮數椽舊屋幾為他人居至今做廬頗式廓一
木一瓦都是先慈牽補之留餘賤子無力能肯構

每瞻榱桷長嗟吁十年放廢脫朝籍名山大川許
我水則舴艋山籃輿今年發興來探黃山與白嶽
信宿阮水得與老友薊巖俱語我中表有賢曰洪
子家世植德積善袞袞高門間母太夫人尤偉節
扶風家教成女儒課子課孫克承夫子志手植杏
樹叅天枝幹書樓掩映相扶踈太君謝世樹亦萎
洪子頰齋經過樹底悽愴怵惕淚下如聯珠重作
樓臺較前更閎麗發揚母氏盛德大業春秋霜露
之涵濡因此樓額標因樹一一美善刊諸書羣公
記敘大好手更而卒讀神怡神遠髣髴雙足樓頭
趨惜哉頰齋又已作慈母孝子止從行間字裏想

形模側聞文孫善繼述牙籤充架含咀六藝超然
綵筆凌京都以此上副太君教讀之夙願我知燄
光籠照來年曲江園裏聯簪裾慈母有孫孝子子
會見朝家烏頭棹楔天光照耀懸通衢陋哉賦詩
作頌徒區區

曹學詩

號震亭徽州人
進士官湖北知縣

檻外花香拂帽簪春暉滿眼倚樓心不緣孝子憐
朱萼誰與慈親護綠陰碧海移來纔拱把白雲高
處試登臨蓬萊相望無多路好待閒棲五色禽
手植濃陰已幾圍凭闌不是愛芳菲未曾鴛瓦凌
虛起已御魚軒繞樹歸新燕尙窺香壘入落花猶

認綠衣飛天風試上樓頭立萬里鯨波浴夕暉

高文林號人

一樹何足惜母氏存手澤一樓何足奇念母復搆
斯母兮母兮不可忘樓前春色空芬芳登樓感母
摧肝腸忍令傾圮生悲傷君不見裴晉公碎錦坊
中百樹紅又不見太平園爭春館前朝暮歡當時
遊宴樂未央無關名教徒遑遑丈夫舉動會有言
無令來者空生憐洪君孝思何所極念母成樓心
惻惻樓頭春雨杏花肥樓外花飛綴客衣片片落
花思母氏年年樓上一傷悲殷勤說與樓中客本
茂枝榮是母慈

黃樹穀號松石浙江仁和人國學

我雖未試登樓目君亦常懸陟屺心觀海定懷黃
海遠瞻雲惟戀白雲深

園名偕隱上湖濱風雨年年草自春先五世祖母
顧改西園為
偕隱園以遂介母終焉之志今僅留遺址何似茲樓與茲樹千秋長庇
義居人

郭長源號恕堂江都人孝廉

不關春識舊時叢堂背靈護暮雨中刻意天憐思
母孝重教花發滿枝紅畫圖莫惜留雙本佳話從
知啟四洪獨我杏園無路入時春官下第唐人詩
云知有杏園無路入
馬前惆悵會須來賞海之東
滿枝紅

陳 倓 號定先儀徵人
官修撰

念昔花陰課讀時
鳴機軋軋荷恩斯
一從銜恤靡
依後水激樓傾樹亦萎

樓能重構樹能生
母去難追恨未平
露粉凝脂橫
屋角春來猶記版輿迎

劉曾聲 號東堂
人

樓空樹去兩茫茫
因樹成樓寄意長
灼爍曉含滄
海日鬱葱氣接廣
寒香仙翁已老遺
黃鶴春雨時
來濕錦坊一點貞
心餘白髮好教呼
呼吸達穹蒼

田禮耕 號
人

翼然飛構倚晴空
因樹標名見隱衷
貞白三層吞

萬象元龍百尺想
高風遙知慄淡經
營處都在春
秋霜露中莫袖凌
雲揮翰手樓修五
鳳奏新功

程世繩 號準從休寧人
孝廉官湖北京山縣

紅杏與樓齊
慈烏不住啼
春憐萱草盛
眼礙白雲
迷母去空堂
北人來野水
西因風懷想
處簾影夕
陽低

王步青 號罕皆亦字已山金壇人
官檢討

此花何以重重在
母親植此樓何以傳
孝子情靡
極當年孱焉賦栢舟
歷盡冰霜人不識
晚歲閒居
樂版輿堂構貽謀爭
太息青春母氏白頭
兒聖善
孺慕堪矜式
傳家猶是忠
宣舊課孫不懈
詩書力

揚州名勝十三樓隋隄空有千萬柳何如此樹此樓增氣色不緣風雲月露根世德儀型直可遍鄉國

王承緒

號

人

思勤慈母培佳樹手澤貽留視此樓丹雘重新登眺處不勝孺慕思悠悠

樓因樹建澤猶新樹共親亡幾愴神多少繁華臺榭在此樓千載獨無隣

夏宗沂

號

人

孝子登樓日愴然風木悲憑闌試一望因樹有餘思老榦空留蔭新花依舊垂此時憐手澤應廢蓼

莪詩

陳元起

號

人

濱海初新百尺樓恰因嘉楮紹貽謀玲瓏窗檻琴書靜窈窕園林花木稠堂構每懷萱草念墳篋誰並雁行優緣慳莫遂登臨志慚愧蕪詞未敢投

羅人傑

號漢三儀徵人孝廉

花下昔追歡天真樂事完不經風木恨那識綵衣歡烏鳥情無盡臯魚泪不乾樓頭看日薄冷落碧闌干

程

梁

號禹甸徽州人候補主政

漫誇馬首望雲平春意枝頭鬧晚晴我亦有樓無

是樹思親常恨未成名

枇杷先澤舊柴扉難並東淘結世基自是當年風

木恨君家陟屺淚頻揮先會大人手植枇杷干霄蔽芾為蔭讀處今顏曰枇

杷舊書屋

陳九昌

號鑲黃旗人官湖南岳州府同知

昔日樓邊樹計偕曾此遊因公同魏長星移頻甲

子匏繫幾春秋賢母能希湛諸孫欲報劉蕪言郵

寄贈胡海共颺颺

張

文

號簡堂徽州人進士官山東海豐縣

凌雲高節絕風塵樹老慈幃手澤新肯構重開今

日麗凭欄未忘昔年春松筠標秀傳青史杞梓聯

芳重紫宸花萼相輝雖隔院一回登眺一傷神謂

君遜齋出嗣分居猶篤孺慕

風木興懷百尺樓滄桑不改故園秋一圍寒玉侵

簷綠千疊晴濤入檻流清嘯碧空招野鶴高吟紫

海起潛虬懸知仙馭還歸憩月夜停驂每逗遛

一株仙杏自蓬萊移傍高樓歲歲開碎錦朝霞烘

樹影濕紅春雨繡花苔油然生感追陳跡勝絕留

芬蔭後來簾幙篝燈聽雜誦鳳毛麟角盡奇才

觸物縈思出至情纏綿寄托自相生登樓有賦同

王粲呼酒狂歌擬步兵僕本恨人憐錫類君真孝

子合垂名何時訪勝拏舟過倚遍闌干淚縱橫

陸錢齡

號耆卿泰州人文學

傑構岩崑霄漢連小山環抱帶春煙人無怙恃終
天恨樹有因依萬古傳近海鳥棲花似霧登樓人
坐桂為櫂我來話舊思遺澤仰止高風一黯然

巴

銘號西佩歙縣人歲貢

久欽節孝繫懷思樹異樓新又一時畫荻人亡憐
物殉版輿跡杳想苔滋曾依阿母親慈範欲並諸
郎愧鯨進我忝潘楊舊姻戚臨風灑淚一題詩

潘

江號文江

人

終古有至痛母死不復生終古有奇祥樹枯乃再
榮就中有真意感召通神明孝子洪頰齋念母憂

心忤高樓勤締造丹蘄照簷楹謂為讀書處孫子
貽謀成阿母賚志歿杏枯樓亦傾護草懷北堂對
景心憂為更為廣其制泉石交縱橫巍巍復宏敞
凌虛切太清劫餘生意動破屨含菁英春花媚新
姿數歲拱把盈他年還舊觀猗歟何崢嶸濟濟德
造士琅琅書史聲暨茨仰前哲泉臺感幽貞

管文涵

號容川江都人文學

梁公何事念親違高矚浮雲近宇飛嫩綠半拖疑
荻管殘紅一抹憶斑衣琴書夜永游魚出草木春
深馴鹿肥但得孝思常不匱杏花應似紫荆菲

吳山玉

號懷朗徽州人候補員外

因樹樓詩卷三
突兀層樓峙海濱登樓長憶種花人勤調參膽雕
甕啟閒績絲麻碎錦陳烏兔倏遷風景杳鷓鸞接
踵物華新日邊會見高枝折掩映丹楓近紫宸

胡香山

號夢白如臯人
進士官編修

猶是當年杏花天孝子思親意惘然縱起高樓百
倍前何堪重到曲欄邊傳家清節仰忠宣中年栢
舟歎逝川感母勤劬尤涕漣撫茲手澤如杯棬一
樓一樹播吟箋摘星明月與爭妍田荆燕桂可並
傳後嗣努力著先鞭攀鱗振甲勿忘筌

楊大勳

號
官涿州牧
山東歷城人

海濼徵風化因樓識異才母標貞性傳孫上讀書

臺愛日情難已經春花正開七旬還孺慕常伴夜
烏哀

張

其號

人

胡為因樹起高樓節母齊家貽厥謀種杏百年成
盛事九熊廿載見殷憂蓼莪同詆人曾說色笑無
憑我亦愁聞道春回足登眺花開一片紫雲留

陳志泰

號玉調甘泉人
孝廉官福建鳳山縣

青海名勝跡人傳因樹樓樓因樹而建樹為母所
留昔時版輿樂今成桑榆憂廢興等閒事思親到
白頭孫曾看式鵠六籍窮探搜春茵三徑錯冬缸
五夜篝含華與佩實晉接俱名流徵求無虛日篇

章遐邇投揚扈母貽訓殷勤賦栢舟

邱錫嘏

號

官兩淮大使人

余從事淮揚素聞東陶有所謂因樹樓者為園林冠適以承乏其地識集成昆季為是樓主人得邀掃徑之雅爰志斯樓之作匪僅因樹為憩息計良由張仲孝友因心是則為採風者所樂聞余雖不敏不敢以不文辭謹賦數言聊附諸君篇章之末云爾

曲徑迴廊傍水開為憑芳樹起樓臺珠簾高捲春風裏青鳥遙從北海來一檻林光披錦立萬花晴色倚雲栽池塘賦就懷萱草室構還看二妙才

馬日琯

號

嶰谷祁門人候補主政

登樓曾憶十年前正是花繁夜雨天紅白繽紛都是淚親聞指說曲闌邊

賢良吾舅知名久

用杜句

孺慕閒居七十春慚愧牢

之難得似重繙詩卷一傷神

馬日璐

號

半查祁門人徵士

孝思遺澤總千秋嘉樹依然近小樓惟誦羊曇華屋句白楊風起慟西州

林蒲封

號

鰲洲廣東東莞人官侍讀

大江之北邗水東有樓突兀撐青空樓前一樹杏花紅春來如錦當簾櫳作樓誰氏新安洪母兮家

世本扶風當年為婦婦德隆守節冰霜堅柏松膝
下令子方成童教讀詩書無寬容為植此樹臨窗
中勉以後嗣希南宮令子秉訓名業崇念母手植
必敬恭闢屋為樓綺戶重花開歷亂版輿從奉觴
壽母和樂雍歲復一歲母壽終杏樹忽槁蟲蟻攻
經茲樓圯生蒿蓬不忍過視門常封豈知嘉樹靈
所鍾一枝再發何丰茸繽紛磊落當日同孝思撫
樹為心忪悠然憶母歡扶筇采梅磚壁重鳩工簷
牙高敞逾前蹤我兄萬里來番禺海濱承乏識諸
公令聞早使兩耳充孫枝濟濟人中龍蕪城握手
豁心胸國器蒼壁與黃琮干將莫邪比才雄看花

上苑雨露濃定知奕葉昭母功孝光四海神明通
千秋留蹟醒愚蒙作詩聊思寫余衷他年鉅手遷
固逢揚光史冊傳無窮

龔 慶 號雙白安慶人
國學

海濱園館最清嘉細雨樓頭滿杏花錦碎千叢思
手澤紅驚一色豔朝霞十年樹就鸞笙杳百尺營
成燕翼賒此是秋絃春誦地底須歌吹競豪華

羅 昆 號老薑如阜人
國學

慈顏思不見因樹以為樓於此曾栽值當年事讌
遊白雲低繞棟綠水遠涵舟多少關情處非萱莫
解憂

方士庶 號環山歙縣人

上苑移仙種高堂幾護持感同枯樹賦休憶杏殤
詩翠栱欣重發黃泉應有知因君建樓意深我白

華思 余家白華樓先大父為曾
王母建今且三易主矣

汪玉樞 號恬齋徽州人
候補司馬

苦節清風奕葉垂仙根封植益華滋應知上苑看
花望不作盧家蹟面詞

寸草春暉報未遲當年村樹發新枝兒孫才俊今
多少都向樹前念母慈

盛金 號人

晚徑慈烏繞碧枝亭亭奇樹占奇姿一庭文杏留

先澤百尺曾樓寄遠思泉石於今歌勝蹟詩書長
此振遺規南朝臺榭荒涼甚誰似聲名未有涯

元式 號人
官福建寧化縣

名閥遠厥植詩書以教家草木知向榮繁實先濃
華洪氏僑東淘黃海滋根芽翁早傷隕逝孤幼髻
尚了惟母矢栢舟機聲比絳紗儉勤三十載茹荼
不自嗟暇時植一杏歲深發奇葩春明上苑姿馥
鬱披丹霞版輿行樂處雙孫肩相差樹旁素有樓
課讀心彌賒愛匪禽若犢蔚為駟與驂誰知風木
恨忽歎春暉斜繞逕餘萱草依林泣暮鴉顧慈手
澤在忍視委泥沙鳩工重肯構哀思靡有加豈營

新菟裘不改舊桑麻因之懷罔極報荅真無涯

周繼濂

號奐若甘泉人
孝廉

何必花開日方興陟屺思青年勵筠節白首感烏
慈至今簾幙外春暉尚遲遲

老幹苦能茁孫枝密復重新詩傳海內消息到春
風斯樓成不朽食報當無窮

孫

輻號玉峯江都人
文學

層樓高敞海雲平有客登臨倍感情紅杏已隨慈
母去烏鴉猶繞畫闌鳴傳經窗下春風裊種樹階
前夜雨生畢竟本根培植厚花開十里發新英

李仙榜

號篁士儀徵人
文學

高樓因樹起闌檻碧煙浮好聽江南雨宜臨海嶠
秋禔捲有深慕堂構足貽謀他日來相訪徘徊望
十洲

汪宸辰

號丹麓徽州人
字廉

海濱佳處足勾留老樹參差尚倚樓頗似曲江堪
小住便如空谷定相求簾前細雨巢棲燕檻外斜
陽杖倚鳩勝地即今傳母教滄波東望接瀛洲

李天恒

號
人

因樹樓前樹蔭薄樓枕蛟宮瞰海若中有幽人事
苦吟灑淚惟傷白華作為憶當年慈母恩親培文
杏張樓幕課孫日夕聞誦聲笑引魚軒看花落物

因樹樓詩卷三
換於今幾度秋更推孺慕闢斯樓因知盛事傳千載留與蘭臺史筆修

汪文炳

號豹南歙縣人文學

本屬里閭舊兼叨中表親孫行同硯席父執比雷陳遠慕風希古都稱玉作神無因陪鯉對一觀北堂人

名樓傳盛節興起幾嗟吁海甸推父母閨中識大儒早覲煩楮沐老福補桑榆不是誇紅杏看成餘慶符

吳啟宗

號友夏徽州人

高閣臨雲接曙光水源木本意深長花因樓敞生

奇豔樓爲花明簇錦堂舉步真如山嶽聳馮虛遙望海天荒蓼莪以後無他什永錫還歸百世香

何修業

號學庵丹徒人

我友曲谿祖母馬太君壽年苦節彤管揚清芬匪第祚衰業薄賴儉勤且將倚天拔地空人羣昔當春來二月花繽紛一徑版輿行樂朝至矐諸孫比肩早歲露頭角延師督課高樓卜夜分冬缸夏簟常此究典墳不幸母老樹枯心如焚撫茲愴焉怵惕泪欲瀆徒傷春秋霜露親蒿焄重培樓樹高處望白雲似有精誠感格通氤氳異時紆青拖紫發底蘊皆由節孝植根邃無垠傳之海內遠近莫不

聞我知定有鴻儒絕妙文表揚不僅區區爾云云

蔣津

號舟師儀徵人孝廉

傳家五筆擅清才手闢層樓近海隈不是孝思能感格杏枯何事又重開

方肇昆

號振馭徽州人文學

林下風維絳帳簾前影散庭柯一自版輿人杳杏花春雨婆娑

孤根長盤斤鹵高樓迴峙連雲屏倚圖書異采壁鐫金石遺文

胡夢曾

號東山江都人孝廉

何年嘉植歷春秋不敢忘親起作樓五鳳倚雲文

彩現三山擁日海天浮看花上苑疑今夕碎錦名莊憶昔遊慚愧先登人作賦臨風縱目思悠悠

管一清

號水初江都人庶常改授隸魏縣

瀕海舊遊地曾登因樹樓一園開野色百尺枕溪流喬木臨窗古清陰入座幽主人留客住款款話貽謀

五沃花初盛三遷教正勤春暉延麗景晚節著清芬鳩杖林中出熊丸樹底分至今慈德永層構欲干雲

雲開橫霽色點點下慈雅此日樓因樹當年子克家徘徊嘉植悴瞻望版輿賒紅杏重栽處端能補

白華

我友才難匹璠璵席上珍締交從早歲肯構見斯人
雙鯉傳書杳三秋入夢頻聞君方在疚淚盡北堂春

黃 卷 號楚士江都人 孝廉

盤錯年深見性真不將奇節表風塵却嫌務面空
多事聖善何須解異人

剝啄無聲可到門遍闌干外綠陰繁不教閑過青
春去花裏攤書課阿孫

宮殿對 號瑤池泰州人 官陝西府谷縣

紅杏樓邊過春來花滿枝不因懷手澤誰與重培

滋舊事傳青鳥新陰散綠池留連芳草處吟到夕
陽時

顧 醇 號鹿門江都人 學

花放猩紅二月天曾叨文讌到林泉分曹欲覓驚人句
汲古難攀二妙賢萱草鞠時三逕滿春暉餘處寸心牽
晚來膏晷還相繼枝上慈烏噪暝煙

袁嘉裔 號老竹泰州人 國學

何必覓山邱幽棲刻意謀為深陟屺望爰築近溪樓
遺愛前人植濃陰累代留憑欄感風木靜對思悠悠

林樹宗 號鍾奇儀徵人 孝廉

室以人增重花緣德倍馨
栝樅留舊澤樓樹總芳
型孝思常相屬生機永不停
一枝繁豔處千載卜
攸寧

張宗蒼 號墨岑長洲人
官主簿

紅杏樓頭花滿枝一枝爭吐一枝奇
根生枯後皆天力
花放春來卽母慈
畢竟培深成碩果
須知德厚有佳兒
但看百行誰爲最
上苑題名信不疑

劉玕 號蒼白
人

特起最高樓
花飛逐淚流
當春懷雨露
入夜感沉浮
嘉樹培還茂
慈親去不留
茫茫東海畔
至性有誰儔

項勗 號培元徽州人
文學

倚檻看花到茲樓
歎世稀熙勤培老樹
感念極慈闈
才羨孫曾茂
家傳孝友祀
春風知杏苑
柳汁染新衣

生直 號存之江都人
文學

從知大母建高門
早歲辛勤不可誼
生也晚由何
所識曾陪硯北侍
文孫只因懷母常
依樹豈爲新樓顧
解顏試想當年行
樂處飄殘紅杏泪
斑斑

繆湘 號楚南儀徵人
文學

杏花春雨讀書樓
海上仙居近斗牛
有母允堪陶

孟匹教兒真作鳳麟遊肯堂肯構孫枝長如竹如
松碧葉稠絕勝南園曾作記駢枝連理白雲浮

釋定 號雲瓢秦州東臺場僧

曾攜琴鶴訪煙蘿林下猶存萱草多若問當年壑
舟事白頭孝子淚滂沱

釋明杲 號如穎揚州梵覺寺僧

得坐層樓話母儀諸孫何術報含飴白頭擬向雲
中老他日慈恩見一枝

澤 號凜堂進士官工部員外

吾宗自忠宣子孫食舊德有母扶風氏含章服內
則青年傾所天晝哭感通國何以比其貞霜霰寒

松色

母種紅杏樹子構黃篋樓日以娛其親版輿奉讌
遊一朝靈護萎萬事隨東流慈烏乃孝鳥入夜助
啾啾

公寰 號滌東歲貢

余族伯母馬太君節操冰霜三十載茹荼鞠育子
若孫母也兼師勤教誨庭前手植杏一株白髮婆
娑日相對無何憔悴樹還枯母亦厭世早見背諸
孤日念阿母恩復種紅英翦荒穢因樹結構樓以
成兄弟同居敦友愛聞道高樓傍海濱一覽風光
憑檻在煙嵐蜃氣互迴環往往萬狀與千態賓朋

因樹樓詩卷三
雜選共開尊俯仰樓頭瞻勝槩曩時伯兄索我詩
爲賦遠遊詩總廢歸來子敬人琴亡幾回把筆增
悲慨兄家繼起多卿材腰金自付兒曹佩木有本
兮木有源節孝流芳傳奕代播之彤管有鴻文我
欲作歌才不逮

贊號曰襄
文學

昔隨母氏過兄宅親侍白頭花下席兩兄孝養正
無方兩姪引角能揖客樓外機聲課讀聲絡繹循
環不相隔春似雨生錦樣花夏淺實垂手能擘版
輿拾取啖諸孫及我有時散殺核來往曾未逾十
年母逝杏枯樓再闢勿悲人往事空留須知孝子

心無斃努力諸孫肯構多翩翩應展冲霄翮但看
古來簪紱家根基總自詩書積

必學

號時敏
廉官知縣

同是義居後皆爲觀海人
一源分別派百里隔通
津大母垂遺範文孫迥出塵
吾宗傳盛事紅杏小
樓春

法祖校字
念祖

因樹樓題詩卷四

自乾隆丁巳年起至壬戌年止

振珂

潛川 洪振玉全編輯

振瑛

陳惠華

號雲倬直隸安州人官戶部尚書

淚滴風摧木愁看杏作花春光雖易老手澤自無
涯截髮追陶母和丸認柳家樓居仙帔杏日暮噪
慈鴉

符

曾

號葯林浙江仁和人官主政

杏樹生香紅百尺云是阿姥手親植阿姥植此意
胡為意取上林讀書客高樓望處花枝開闌干玉

立春風來因樹成樓花歲發依依撫樹心徘徊人間萬事亦何有惟有修德滋堪久後世能承先志勤此樹此樓垂不朽

汪由敦

號謹堂休寧人官刑部尚書

龍葱嘉樹倚樓臺山翠波光面面來長記版輿遊覽處自拈斑管補南陔

松軒竹閣徑縈紆結構天然擬畫圖木末已看巢鶴子枝頭猶自護慈烏

宋

楠

元峯山浙江德人官檢討

一株紅杏小樓邊手澤分明記昔年海內空留枯樹賦春來罷詠蓼莪篇重看雲外樹連屋好種階

前玉作田更拓數弓行馬地烏衣子弟裊絲鞭

朱闌碧檻映江流端爲思親建此樓芳樹婆娑南國晚金蕩零落北堂秋版輿舊識晴郊路燈火猶存午夜篝文杏卽今重爛熳不教玉蘂擅揚州

陳

章

號授衣浙江錢唐人徵士

杏花丰容兮愴陽春桃凡李俗兮不與爲隣比女貞兮凌霜晨食其實兮思其人吁嗟杏兮

樓穹穹兮因樹成子娛母兮如提嬰節與樓高兮孝與花榮固其基兮則勿傾吁嗟樓兮

張鵬翀

號南華嘉定人官侍讀

當年手栽杏華葉何歲蕤一樹何足貴重此賢母

遺賢母如陶歐高節執不移教養身所兼如樹成
華滋令子既有立令名思遠貽傍樹結層樓以奉
慈顏怡樓成人厭世蓼莪有餘悲樹枯穉復生青
葱作連枝與樓相依倚益深慈母思青山當玦環
白雲垂帶帷高風尚可緬懷清想芳徽良友時登
臨感懷賦新詩世人盡因是轉瞬成變衰斯樓與
斯樹世守久不隳貞心炯相映流馨無盡時

沈慰祖

號學周吳縣人
官春坊

仙人自昔愛樓居遠隔塵氛挹紫虛慈蔭不凋松
比節穠華曾映版爲輿漫誇好景登臨候儘寄深
情結構餘酒盞詩筒芳樹底摩挲手澤重躊躇

張

湄

號鷺洲浙江錢唐人
官侍御

紅雪飛香淑景繇上林生意滿幽軒一枝照讀春
長在直抵忘憂堂北護

絳幔人空手澤枯落英點點淚模糊斷垣廢井東
風裏無限愁鷓與孝烏

伐木重新結數楹高樓聊假樹爲名花陰月魄依
微到祇少和丸督課聲

誰爲詩亡補白華人間樓榭半天邪迷離六代揚
州夢澹粉輕煙醉晚霞

程光棟

號隆吉休寧人
國學州同

我心匪石矢共姜鉅典應封石窳鄉樹以孝思垂

不朽樓因節操並流芳分甘自昔推東晉種杏於
今念北堂海內聞風咸仰慕詩書奕世煥龍光

汪士慎 號巢林徽州人國學

近海高樓海氣吞樓因嘉樹正網縵主人惆悵獨
追遠一院春風自掩門

杏花齊放半樓紅中有詩人怯雨風早見文章傳
孝弟不應百尺羨元龍

陶正靖 號晚聞常熟人官左僉都御史

譽樹猶封殖思親但倚廬躬茲遺構在為念肯堂
初經始須霜幹成陰戒散樗何當楹桷腐倏感歲
華徂明發將無念清芬誦有餘好營新徑術憑藉

舊菑畬點綴天然勝盤桓曠抱攄高高還下下密
密復踈踈似覺桑田改幾疑海市如仙家愜此宅
繪事不成虛樹古仍萌茁天全得漑除繁花欣爛
熳佳實足資儲物理看榮悴人心異慘舒克家隆
棟吉夙夜尚終譽

王藻 號梅泚吳江人徵士

當時手植已成林結構岑樓用意深他日看花曲
江寺始知慈訓十年心
階前更秀科名草枝上還開及第花想得春風二
三月一家清宴樂無涯

程盛修 號楓儀休寧人官刑科掌印

東淘路透迤蚤歲熟來往辟疆有名園水際一樓
做當春紅杏華名客特吟賞云本阿母栽中間委
宿莽孝子感栢捲巡檐發深想揮涕日灌溉生意
遂瀆漭樓新花亦新跌鄂倍精爽至今五十年過
客屢攀仰我行困軟塵枌榆悲井壤把筆作長歌
鄉心切雲上

成原大

號聲夏寶應人
進士官山東魚臺縣

嘉樹婆娑海國春登樓憶母共傷神滄桑彈指成
興廢枯苑回眸易故新碎錦重敷原有意齊雲更
建豈無因他年上苑花簪鬢篤慶知由孝思純

金景

號

人

北堂手植樹叅天卽以名樓思眇然花映疎櫺含
曉露枝垂畫檻帶蒼煙空留蔽芾懷親德結得巍
峩頌子賢作客此鄉知勝事一回登眺一題箋

吳

清號聖昭徽州人
文學

在昔樓高杏成樹是母安居娛老處奉觴者誰膝
下兒孫亦誦書翻四庫三代聚首共晨昏人生樂
事由天賦杏老何如穉杏新樓之丹雘非其陳風
景猶足怡衰老登樓不見白頭人海濱勝境共遊
賞每憶烏慈添悵惆君不見洪家昆弟天下才將
邀褒贈光泉壤

莊有恭

號滋圃廣東番禺人
官兵部侍郎

雪栢霜松慘不春
高樓百尺峙湖濱
劇憐遺澤栢
椿在況對牕前杏
又仁

舊向南陔詠白華
階前曾見舞衣斜
卽今欲報瀧
岡表重見枯枝盡
作花

常伴機聲夜漏遲
蓬萊移種是仙枝
青熒樓上留
燈火人讀蓼莪應
廢詩

靈根原合對慈篁
課讀秋窗月影涼
感爾孝思能
格昊稚株離立似
人長

張萬青

重構憑虛面面開
白雲依約護樓臺
舊時老幹成
仙杏此日新陰覆
綠苔束皙不忘華
黍志倪寬終

選漢庭才林園本
入閒居賦忍見潘
輿委草萊

劉方霽

號蘭谷宣城人
官湖北按察使

紅雪香名勗子孫
樓前植杏傳賢母
花滿春風書
滿樓學殖深
心種樹手枝葉
蔭人嘉樹譽百
尺居身花益友
嗟哉母老樹旋
枯風雨一樓悲
世守思親肯構
構增高名樓因
樹樹能壽三字
長懸兩世心
慈孝之家樓不
朽

曹

岱

號

人

友愛昔傳花萼盛
貽謀今識輞川幽
箕裘夙志因
嘉樹風木餘悲寄
小樓曲塢秋高鳴
翡翠芳塘春暖
浴鳧鷗幾時買棹
臨江渚遍覽芳菲
紀勝遊

因樹樓詩卷四
劉文煊

號秋莖浙江山陰人

王氏宅三槐陶潛門五柳當日何所因至今名不朽
乃樹因人傳非人因樹久洪子此名樓寓意或
恐否詎知孺慕心動息不忘母母也矢栢舟膏沐
終白首樓前杏一株灌溉母親手母在花日繁母
逝花烏有誰謂杏無知生死報坤厚洪子因悲傷
擴樓枯杏後枯杏重生枝經年幹如斗仍放爛熳
花結實更適口皇天本非親眷顧惟孝友樹因母
復甦樓因樹而壽

吳景新

號磨軒歙縣人
文學

紅杏枝繁擁一樓不知締造幾經秋春來萬點催

花雨却與思親淚共流

陸

秩

號抑齋浙江錢唐人
官侍御

一枝紅杏倚亭隈慈母辛勤手自栽課讀三遷當
北牖翬飛重構詠南陔遙峯遠岫層層列傑閣穹
樓面面開他日新枝榮閬苑馬蹄應帶御香來

李鴻文

號廉夫鎮江人
拔貢

樹以慈親重樓因嘉樹成悠然此樓上時見白雲
生春雨滋花滿秋霜落葉輕悠悠風木思千古有
餘情

盧秉純

號水白襄陵人
官刑科給事

三十餘年苦節殫偶栽紅杏出雕闌雪深霞淺非

春豔祇作蒼松古栢看

自起江天百尺樓一簾花氣帶春流漢家梁棟資
文杏取次掄材到上頭

程宗枚

號金卜徽州人
國學

古者白華詠相傳孝子詩惜哉篇什久徒令後世
思千載時代異今古無差池洪氏有嘉樹樹爲賢
母遺手澤猶在目著花春萎蕤子兮構層樓楹角
橫參差文孫讀書暇感舊時涕洟撫茲根祇茂憑
高望離披我欽墳篋意孝友實兼之往讀白華章
今賡棠棣詞

杜敏

號捷菴泰州人
國學

簷牙高啄綠陰稠邗水東來第一樓萬井人煙排
檻入三山海氣障雲流北堂人遠瞻依切芳徑萱
生孺慕憂愧我無才能作賦花開蠟屐與同遊
樓構由來寄孝思不忘文杏不忘慈嗟我怪石移
當戶曲折鳴泉引入池鳥過上林留好語人遊勝
地集新詩樹邊爲想貽謀善祖武繩繩代有兒

汪士鎰

號筠川休寧人
官編修

杏花蒸霞杏子肥樓前綵舞照芳菲杏老摧霜隨
人往樓外白雲增悵惘深根蟠屈杏子萌秀擢青
柯向日榮累址層基開舊構朱闌粉壁榜新楹殷
紅萬朶枝低戶慈烏頻來鶴翔舞他日登樓寄遠

情白華應做廣微補

張朝瑞

號

人

聞說當年碎錦坊海濱形勝不尋常登樓已識慈
徽遠撫樹還思母澤長祗爲承先勤卜築致令裕
後祝芬芳二難雅集壘篴奏唱和鳴陰樂未央

裴好音

號愛山丹徒人
文學

當年讀書舊有樓樓前老杏二十秋花開奉母嘗
行樂兩孫岐嶷露頭角時移物換曾幾載往事追
思不可再空懷瞻祀愛日心罔極難酬繫念深重
構高樓復栽樹每到春來泪如雨南陔白華古無
詩黃絹幼婦空有辭何如此間東海濱節孝貽謀

世善因愧我未經登百尺聞風懷想一霑巾

陳兆崙

號緜山浙江錢唐
人官編修

藥畹松齋一徑斜風泉雲壑互周遮江南此景尋
常見別有前因是杏花

孝竹陰陰欲覆池女蘿曲曲似抽絲千秋一掬思
親淚常在西風落葉時

薛顯祖

號蓉鏡如臯人
文學

百年遺址至今存物共增榮藉後昆樹密猶滋春
雨露樓開還溯昔淵源階庭卽續萱花茂欄檻憑
連杏葉繁信是地靈封植厚春光滿眼勝慈恩

黃樹穀

再見

荏苒柔木言樹之背瞻望母兮勿翦勿敗築室於
茲不日成之子子孫孫恩斯勤斯維風及雨何木
不萎以迄於今其實離離念昔先人夙興夜寐燕
及朋友灑掃庭內尙有典型必恭敬止令聞不已
君子有孝子

萬松齡

號星鍾宜興人
官檢討

明窗拓爲北堂游庭杏芳蕤手澤留倚檻一林紅
玉豔卷簾半榻紫霞浮安排書几傳文藻收拾湖
山入畫樓唯有年年明發思每逢花發倍含愁

凌

春

號

人

海濱甲第起燉煌阿母恩深世澤長勁節播傳無

限意絳雲堆裏富縹緗

劉

瞰

號魯凡江都人
文學

慈母貽堂構高樓景色明弓裘綿世澤節孝播芳
聲樹復垂餘蔭人還愴至情佳時做文讌談笑任
縱橫

程鍾彥

號驥超休寧人
官禮科給事

東風細雨紅杏飛高樓澹蕩春凝暉春暉忽落杏
枯死思親罔極懷瞻依鳩工庀材重肯構樓外斜
陽華影瘦慈恩極目海水深嗟人不得如花壽

吳文湘

號荃江徽州人
文學

婆娑一樹倚東風手植長留百尺中一夜永思黃

因樹樓詩卷四
十一
髮遠三春遙望白雲叢玲瓏蔽芾朝霞綴濃麗紛
披夕露融杏苑他年瞻馬首蹋香塵土看花紅

徐沿號社山廣東龍川人

當日層樓起因花母手栽蒿萊枯更發瓦礫宇重
開跡異徵靈在人登感孝來定知傳故事一杏比
三槐

倪國璉號紫珍浙江仁和人

江南雨後暖初融樓下花枝似昔紅嘗記慈恩親
啖果而今寂寞幾東風
雲嵐景聚一樓間樹裏文禽日往還好是孫枝能
繼發朝霞一片靄春山

韋國圻號人

風木興思自昔然況瞻榱桷意惓惓層樓拱秀春
暉滿濃蔭交枝手澤鮮啟後琴書紛左右娛親几
杖昔周旋德門積慶從茲始梓楔烏頭捧日懸

潘乙震號筠軒廣西東蘭州人

結構依然母德留任他明月上簾鉤何人說與趙
承旨此是揚州第一樓

杏花開過曉風清極目偏傷孝子心一片綠雲連
翠幌也如慈竹覆春陰

張世進號肅齋陝西臨潼人

自昔依樓種樹於今因樹爲樓春來似前朱萼花

下無人白頭慈蔭年深不改孫枝玉立誰儔他日
名傳紅杏肯輸小宋風流

邱旦號復園人

堂構規模自昔時重新臺榭更參差窗開樹底花
催酒簾捲樓頭月送詩望裏雲山心自靜行來蹊
徑意俱移桃源便此何須覓回問漁郎知未知

阮學濬號澂園山陽人

高樓百尺何萃嶽嘉蔭凌空懷母德崇基式廓增
前規顏曰因樹紀其實種樹成陰幾十年護闈手
植戒翦伐本深末茂孫枝繁朱跗絳萼春正發撫
今追昔觸孝思雲構迨邇永不拔維桑與梓恭敬

止風人餘韻殊堪述何徒峻宇誇豪侈連檻周閣
自烜赫君不見廣陵華閣擬仙都一傳再傳半爲
墟爭比茲樓因舊好子孫長承賢母之良圖

陳撰號玉几浙江錢唐人

手澤懷先植樓成寫孝私牕楹依老樹記贈有新
辭不忘南陔養猶然陟屺思經傳三世在宅里表
他時

張重基號人

三傳何處尋芳躅室畔空餘因樹樓樹與貞操同
不朽樓傳懿範白常留倚雲直軼高天表承露還
思厚澤流先志未成君善繼滿階花萼總無愁

因樹樓詩卷四
潘如儼

號瀨江

人

洪頰齋母馬氏斷織丸熊教其子巍巍臨海起高樓欲爲後世子孫相從讀書史手植紅杏先芳春杏苑成名是吾志誰知賢母返瑤京墜茨無人樓就圯嘉樹亦搖落羣芳半殘萎昔年杏花爛熳開根蠹枝僵亦旣死頰齋痛母淚至今亡母之志望子之心樹以人亡不復生子不死母志可等因舊址成高樓聳雲表枕海流疏泉鑿石成林邱邱士雖無萬間屋貽謀却有萬卷書書樓高標志士槩杏花嬌與貞魂俱讀書殷殷金石聲阿母地下喜氣舒嗟嗟子之於母事死如生物感其性亦培其

傾朽株餘麗霞谷春晴此中元化杳莫測變通呼吸誠難名君不見冰魚雪竹古所傳孝思錫類通神明文章光焰貫牛斗長安馬蹄騁花柳竇五桂王三槐古今盛事騰人口豈知兒孫富貴亦等閒和順感春陽精誠動高厚此事人間真不朽聖朝孝治采翰軒願取詩歌風化首

程

鳴

號松門徽州人

海畔傳聞因樹樓可知經歷幾春秋當時奉母心常苦二月開花宴不休雲際鶴歸人已杳枝頭露作淚橫流憐余欲上題詩去寸草心生一段愁

王士鳳

號簣齋

城人

因樹爲樓祗數椽枝頭紅杏自年年佳兒無限思
親淚日對春風手一編

影並甘棠愛護深芝蘭玉樹羨森森綠楊城郭花
多少手澤惟懷陸橘心

吳泰號方岳淮安人
官檢討

海嶠穹樓敞四面雙丸日月海中見杉松梧竹左
右環春來紅杏錦成片結實樓前萬顆稠昔年手
植幾經秋高漢慈雲覆滿樹和熊畫荻澤常留文
子文孫思無斃樹重培兮樓重闢登臨疑與蓬瀛
通一望蒼茫天水碧樓頭百尺發高歌陰濃時撫
樹婆娑白華庭闈感朱萼春草池塘想蓼莪我聞

盛德光遠耀燕翼貽謀增式廓蛟龍滄海護雲深
飛騰但聽雷雨作豪華轉眼便成空金谷園荒荆
棘叢惟節惟孝天地同樹更因樓滋不窮

閔華號玉井徽州人
太學生

當年聖善植良材樓已重新花更栽才子思親兩
行淚一時應灑向南陔

悼花休擬杏殤詩因樹樓前又一時待得春風二
三月會看及第有孫枝

程文燿號心唯儀徵人
拔貢官廣文

昔結金蘭契今成閫寂憂太夫人次孫曲溪
與余同筆硯至契故園
增悵望佳勝憶曾游百尺層樓迴三春紅杏稠倚

闌猶愛日背樹又經秋文母標奇節諸孫軼等儔
詩書爲肯構節孝作箕裘事以名垂久人偕地共
幽郵筒遙寄贈懷舊思悠悠

方時鎮

號

人

仙杏當年植北堂應同勿翦比甘棠孝思錫類能
傳遠瞻望靡依暗自傷再構摘星雲作衛重新枯
樹海成桑從來世德能垂久食報繩繩未可量

王文充

號涵中江都人官編修浙江處州府

白雲歸海上風木寄長吁痛切栝椽澤思深堂構
模爲樓宏締造因樹植根株芝玉庭階茂綿綿杏
不枯

程

紱

號泰初績溪人文學

荆妻曾爲說重幃冰蘖清操淚滿衣百歲霜鬢歸
夜壑一枝紅杏賸春暉樓頭尙憶分甘處簾外空
愁詠絮飛笑我義牀才力薄未能彤管播音徽

趙元櫬

號

官廣文

江陰人

建高樓兮翼如闕四牖兮中虛鏤結綠兮綴璠璵
列彝鼎兮積詩書美輪奐兮疇之廬或告予兮孝
子攸居孝子兮躊躇思母氏兮淚霑襦母訓子兮
樓之隅蔭嘉樹兮母心娛母永訣兮樹與俱樓將
圯兮風景殊不敢忘兮母德不敢慙兮嘉植念文
杏兮重培維力念罔極兮樓加之飾樓憑杏兮跋

斯翼杏繞樓兮紅一色樓重新兮樹重植母不復
見兮孝子心側倚雕欄兮四望母不可見兮母德
難忘盼山之高兮不如母節之昂俯川之流兮寧
如母澤之長貽厥謀兮勤縹緗策名天府兮熾而
昌樓以增峻兮樹以增芳傳母德兮永被於無疆

徐

成

號晃玖歙縣人
候補

小樓嘉樹傳孝子白華詩堂構心何遠恩勤意在
斯望雲歸舊棟愛日轉遙幃未領江山美祇增風
木悲婆娑生豈盡縹緗上應遲復有依依者因之
夢夕葵

張

璞

號琢堂儀徵人
孝廉

東海傳賢母當年住小樓杏花春自植松栢節偏
適人去白雲杳窗開青靄浮枯根重茁處手澤感
長留

潘安禮

號立夫江西南城人
官編修

海上高樓雲影齊森森嘉木蔭花低版輿此日都
零落只有慈烏不住啼

王槐竇桂且休誇競羨新柯蠹綺霞最是倚闌風
景好階前環遶紫蘭芽

王

詔

號殿先徽州人
國學

追思手澤當年事榱桷重新峻莫攀對樹常教懷
舊日構樓端不為看山懶披蠹帙添悲境愁見春

花感淚顏慈孝家風應繼美君家至性播人寰

黃蘭谷

號郁汀休寧人
官吏部員外

日月沐浴風颼颼青天一髮浮十洲仙杏著花絳
雲流就中縹緲因樹樓有客登樓姿矯矯奉母課
兒依海嶠闌檻高明掇杏花庭闈眷戀吟護草斯
樓盡攬海陵春花謝花開定有因憶捧版輿花下
過西飛青鳥倍傷神君不見山林杳冥迴瀾紫樓
中日夕書聲起漫稱嘉樹譽名賢好譜白華傳孝
子

程良璠

號負若休寧人
官經歷

來值春風二月天遍開紅杏向樓前憑闌欲問當

年事寸草縈思意黯然

曾叨從事駐行驂漲海風煙不可探除却君家林
壑好幾疑身不在江南

季載可

號吟四泰州人

樓成樹側是何因手植當年念老親豈爲秋迎天
際爽非關月看海邊新鹿知愛惜頭無觸烏有靈
明性亦馴幾度登臨如陟屺蕭蕭風木聽酸辛

胡天游

號稚威浙江山陰人

萱草葉已凋杏樹枝亦禿當時種花人何處騎青
竹樓成樓毀須臾間人代真看風雨速惟有梁山
曲裏情樓前春水傷心綠

汪沅 號善友歙縣人

百尺樓高有所思樓前文杏放春時
開花豔豔呈初萼結實垂垂戀故枝
肯構遺基恢舊德考槃新址兆來茲
東風日暖憑虛望浩蕩雲煙海一涯

程文光 號老松華亭人

巍峩高接五雲浮海上仙人十二樓
當年汗漫名園遊榻下陳蕃情最優
稔知因樹名所由嗟嗟孝子澤長留
前人端賴善貽謀欲看哲嗣紹箕裘
再來添得綠陰稠壤垣荒逕皆完修
小杏加長齊樓頭紫薇爛熳迎雙眸
恰值二郎賓興秋鹿鳴竚聽鳴呦呦
功名遂身退休碎錦坊中狎野鷗

周辰 號覽齋泰州人

綠蔭慈恩蓋滿林高樓新起亦傷心
春暉已歎餘光盡風木猶懷孺慕深
青海昔時傳勁節白麻他日表空音
顧名思義應同慨巧筆朋簪發妙吟

方元鶴 號青田歙縣人

海上風煙起暮愁版輿無復更勾留
春來爛熳花重發知是洪家因樹樓

一枝斜抱曲堂均遶檻春風散粉苞
香蝶不知人意思花衣飛過哺鳥巢

樓下橫陳書萬函花時乳燕學呢喃
海風盡日紗幘澹寸草春暉忍教芟

杏株樓礎兩番新添註南陔亦有因羣季迭來間
倚樹三春和氣是天倫

郭文明

號昌時甘泉人
文學

嘉樹影婆娑花開二月多孝思餘愛日孺慕倚庭
柯澤厚滋苔蘚恩深長薜蘿何時登百尺凭檻發
清歌

徐 峴

號

人

節孝由來海角傳雞林投贈滿吟箋不緣本實貽
謀遠誰識枝繁奕葉連風送曉寒心隕地雨含春
樹泪粘天吾鄉亦有荒林壑不及栽培思惘然

釋本章

號緯雲楚嶽僧

黃山三十有六峯峯峯削出青芙蓉於中賢德產
閨閣多因靈秀之所鍾洪君有母傳聖善貞心一
與金石同白首操家事勤儉克兼父道和丸熊頰
齋寄跡淘水上北堂鳩杖能相從樓前隙地種文
杏枝枝葉葉影重重匪誇春來花似錦不緣結實
累累紅鏤煙濯雨耐霜雪倚雲薄日搖簾籠岐嶷
兩孫環左右指述往事心忡忡舊有高樓高百尺
質樸不施雕飾工忽悲星隕婺光滅低徊手澤生
悲風此樹等枯下殉主未幾穉蘂生鬱葱培之以
德灌溉厚重構層樓撐清空昔日孫枝亭亭起能
詩能文振刷獅樓頭讌集無虛日樹下高歌競羣

雄珠璣投贈羅四壁節孝名傳永不窮

釋行吉 號遠村揚州平山堂僧

慈雲覆護已生天何處兒孫最黯然風澹月明微
雨夜杏花零落小樓前

遜 號品章
孝廉

霞山舊識雲為幄邗水今看玉作林同是本源推
獨亢錚錚節孝式徽音
心欽大阮高蹤渺得接諸昆善氣迎從道造家由
母氏不須更齒築懷清

本仁 號蘇游
進士

樹死還生樹樓傾復建樓人間慈孝事合與世長

留

禮 號鳴珂
文學

課孫堂外杏株開大母當年手自栽樹老頓生風
木恨樓成還動蓼莪哀花繁二月霞如綺人擬三
遷澤未灰共羨孝思垂範遠吾宗應亢竚龍媒

元聲 號寶田
官湖廣武昌通判

小樓重構樹重滋慈孝相成地永垂却憶白頭人
畫荻春風紅雪倚闌時
三楹高峙海邊村名並元龍百尺尊他日曲江花
滿樹貽謀應識到文孫

光祖校字
文鈞

因樹樓題詩卷五

自乾隆癸亥年起至戊辰年止

振珂

潛川 洪振玉全編輯

振瑛

梁詩正

號蕙林浙江錢唐人士部尚書

舊聞仙母愛樓居課子寒燈讀父書慈竹已摧春
杏在到今重見作花初

一片清陰拂畫簷春葩爛映疎簾欲酬母氏殷
勤教架上猶存軸與籤

姚世鈺

號玉裁浙江歸安人文學

洪家母子堪矜式不事依鄰斷機織小樓構架見

貽謀仙杏栽培猶種德開花成果年復年孫枝出
屋高連天傳經鶴髮裹紗幔把卷佳兒讀樹根霜
風摧林木葉隕庭樹婆娑生意盡忘憂無復藝堂
襟慈竹終當抽孝筍新茁瓊枝紅破萼重喜茲樓
增式廓憑闌添得望雲愁分甘尙想含飴樂吾廬
病樹俯西軒搖落空悲手澤存陸賦慚余陳世德
青衫羨爾讀書孫敝廬書舍前玉蘭一株是先曾
祖手植幾為風雨所拔先君屢
培護之因顏
其軒曰病樹

胡期恒

號復翁湖廣武陵人
官甘肅巡撫

成毀本無定往復固靡常達人觀物化天地一毫
芒逝者如江河日下不可量古今一俛仰倏忽均

散亡中有不亡者德與名俱昌洪氏有節母卅年
茹冰霜九熊自課子種樹依樓旁以為藏修地母
使學殖荒年遠樓亦圯樓傾樹亦僵賴有兩文孫
修廢起堂皇茂林間花竹翬飛鳥翼張門多長者
轍馳聲翰墨場相將頌賢母名與陶孟芳斯樓與
斯樹山高而水長

表曰修

號叔度江西新建人
官詹事

手植分明閱歲年孝思朝暮愴風煙此心却異桓
司馬老樹婆娑更惘然

江北江南憶舊遊楚天風物渺清秋祇餘一事堪
惆悵未上君家百尺樓

沈守敬

號毓翁浙江海寧人
進士官內邱縣

未改門間舊難忘手澤新經營尋故址辛苦記前
因次第樓臺整參差花木勻肯堂仍肯構孺慕最
情真

涂逢震

號石溪江西南昌人
官侍郎

紅葩依舊擁樓臺聽說當年范母來林下餘風森
種植熊丸遺訓列瓊瑰白華好爲詩人續繡戶常
依枯樹開從此肯堂華實茂文孫繼序述栽培

江化澐

號汝川桐城人
文學

節母勤課讀杏植書樓楹母乘白雲去杏萎樓亦
傾泣血枯杏發構樓因樹名老友索予詩十載意

彌誠昨得悉翫縷爲深倫理情天道信不遠立行
宜堅貞草木雖無知至性足感生試看樓底杏何
如田氏荆厚德服君家後起多連城題詩慰君意
永垂賢孝聲

潘世仁

號秋田浙江錢唐
孝廉官太湖縣

海濱廣斥蒼波迴小樓突兀軒窗開赤烏曜采寒
兔濕紅杏生香錦作堆詎是爭春館中誇豔色詎
是絳雪亭邊恣游息是乃東海之仙姿節母賢明
手親植殷勤畫荻飭兒孫杏子文心爭並殖卅年
清節井中水玉珮魂歸老杏死斯樓更築杏更生
機轉悲懷疾如矢花謝花開秋復春母兮母兮聲

不聞樓外滄波深白雲

金相號琢章直隸天津人

萬石猶知下里門親將漢史細評論賢聲自是堪
圖畫母氏丹青一代尊

追憶慈顏已渺茫雲窗霧閣動悲涼秋來見月花
凝露補盡瑤華樂府章

名園占盡廣陵春春色樓頭海氣新堂構依然風
景在至今步武繼芳塵

家蓄藏書三萬軸庭森仙杏一株紅風流不減秦
淮海嘉樹無忘賦角弓

方士虔號西疇歙縣人
歲貢州司馬

百尺樓陰直千章樹色稠樹成樓始建樓好樹常
留哲嗣瞻榱桷前賢有菟裘登臨何限意遙憶楚
天秋

廿載經行處風光近若何應增新氣象不改舊枝

柯兒女關餘劫年華歎逝波余女字集成次郎甲
辰冬始見之樓下余

姪復為軾澄壻今姪與
女下世且三四年矣重來非少壯游興況蹉跎

莊有恭再見

手植摩挲生意新倚樓話舊轉傷神應思堂構依
然在總是慈暉種福因

張四科號漁川陝西臨潼人

殤杏重看茁舊根君家節孝與樓存灤陽往事輸

嘉樹清容居士集有灑陽張節婦瓶中杏枝著花詩海上千秋頌德門手
種春風思大母心憐今雨得文孫粥香錫白花開
日也擬憑闌對酒尊

陸鍾輝

號南圻徽州人官河南南陽府同知

種杏書樓下春風歲歲還硯留銘祖德花發憶慈
顏魏族行看大燕山事可攀西江詩派裏科第不
曾慳

陶

鑑

號秉衡儀徵人文學

闌檻依然俯海濱嘉名是錫詎無因樓開尙憶承
顏日花發難忘種樹人風雨亦同王子泣詩書堪
與孟家鄰勝他高處供歌舞轉眼繁華已委塵

賢母當年居上頭茹荼畫荻幾經秋綠陰曉浸水
心澈紅雨春隨教澤流令子撫柯營舊址文孫得
地繼前修登臨人盡欽慈孝道是東南第一樓

金門詔

號東山徽州人官庶常

頰齋洪先生英豪天挺仁孝性成結岑宇以
承歡祥凝甘露開杏林而侍宴瑞靄紅霞上
躡雲梯舞斑斕於天半遐瞻玉藥鋪錦繡於
重霄固已洽堂上之歡心極人倫之樂事矣
爾乃悲深風木漸至朽及棟梁過其地而生
哀忍同茂草之鞠行其旁而隕涕敢廢蓼莪
之吟於是鳥革重新一憑闌而萱幃儼侍續

因樹樓詩卷五
五
紛如故甫攀條而翟弗宛來似此不匱之孝
思深我無窮之慨慕僕也忝葺蘿之末未識
荊州君哉惠瓊瑤之編得諸小阮不揣荒陋
繼以蕪歌

爲問先生是何因因心則友古之人古人因心友
愛篤今日因心孝思伸登樓攀樹樓因樹觀樹思
親樹因親樓高百尺誰能上樹茂千年常相向春
酒時時樓上斟春花歲歲樓前放樓中綵衣樓外
觀樹裏和風樹外漾他年此樹成連理當日此樓
雲中起雲中長聽奏霓裳繞樓環樹聲鏗鏘樹色
龍蓑棲鵲樓上德輝來鳳鳳鳳凰啣得紫泥至

升樓再拜獻霞觴樓外仙人海上來海風拂樹萬
花開花光四面映層樓年年王母下瑤臺樓重建
樹重培臺上萱花安在哉思親不見朝朝暮暮淚
下如嬰孩

程瑞圖

號魚卜祁門人
文學

杏自青年植樓同白髮新只緣人至性遂感物回
春苦節傳清史高名重海濱偶來登眺處惜未是
花晨

陳大睞

號紫山溧陽人
官侍讀

三月江天杏雨餘孤高雅稱子雲居幽情不爲權
風月羣玉山頭坐著書

阿母賢明古大家和熊畫荻世爭誇只今樓樹青
青色依舊春暉映隔紗

李桂蘭 號馥霞甘泉人
文學

孝思從古慨無涯物感人心事可嗟白首尙存赤
子念新枝重發舊根花膽將丸就恩勤苦草及春
生報荅賒如此高樓如此樹永垂志乘作光華

吳嗣富 號鄭公浙江錢唐
人編修官廣東學政

猗猗牆下桑珍重戢斧戕鬱鬱里中梓栽培慎傾
圯况復高柯母氏詒生前風雨長護持惆悵空庭
寒月落梧捲猶留淑景移賢哉有子綿手澤儼似
摩挲階下時更闢重樓開四牖千枝萬枝紅紛披

維揚三月東風扇雲亭水榭春花茜車騎趨趨似
陣雲繁華荏苒如流電姹紫難尋舊日園媽紅又
入誰家院醉倒迢迢廿四橋獨有茲樓堪健羨留
得慈幃不老春此樓此樹年年新爭說有樓猶有
樹須知見樹如見人何時共向樓頭樹底坐靜聽
主人細細話所因

施安 號竹田浙江錢唐
人上舍

綠楊一徑版輿扶幾點生紅似畫圖今日倚樓花
正好東風還認白頭烏

吳納 號護亭休寧
人文學

樓額從標因樹名春風刻意護簷楹瓶開折杏當

時異灑陽事宅有枯桑一夕生唐賈循母亡將葬宅中枯桑一夕再生人以為瑞等是徽音能化俗不教往事羨懷清廣陵無限園亭好爭似君家出至情

周長發

號石帆浙江會稽人官侍講

高樓切太虛顏額曰因樹厥樹何以因孝子表孺慕洪氏居東陶家世起儒素尊甫歸道山藐孤痛誰哺賢哉太夫人集蓼實煦嫗矢志凜雪霜截髮度朝暮植杏小樓前待巢雛鳳羽無何慘不春星光暗寶婺逾年杏亦枯蕭條莽寒沍傷心風木哀憶樹動驚怖重葺舊簷楹整新復如故孝思格彼蒼稚杏芽仍吐離立似人長繁英茁無數用規半

畝宮更闢十弓圃萬斛聽海濤百里占星聚竹立多桐孫騷壇擅詞賦行見一色紅齊展上林步孝為百行原鬼神總呵護束皙補亡詩臯魚泣隴墓因樹因作歌欲令烝民悟

劉文玠

號湘雲如臯人文學

紅豔百年樹樓開此日觀芳徽承奕葉善述却彈冠載酒霞光麗聽詩春夜闌垂垂朱夏實蕃衍倚雲看

秦勇均

號桂川金匱人官九江府

欣看穉杏又重生整頓飛翬共落成一樹榮枯叅物理數椽興廢見人情白華再補傳新詠紅萼還

驚吐舊英檻外風光何足愛繞樓常聽孝烏鳴

裴玉音 再見

依前芳逕懷春草更起高樓戀夕暉無盡孝思天
感動枯根花發更霏微

越世猶傳母也慈當年再造果如斯小闌風靜香
飄後正是尋常課讀時

樓頭葉底春常在牆角花開日又斜堪念故人清
白繼未酬雲志老泥沙

曲谿與余同硯席垂三十餘年今且以病自沮故云

萱庭手植遺紅杏因樹為樓闌地強花下尙思稱
壽獻闌前無復不遑將漫言漢上千頭橘何用成

都八百桑惟有年年春雨候孝思常此感悽愴

查為禮 號籍堂直隸天津人
官廣東府同知

洪家阿母築高樓樓外古杏何年種婆娑一株覆
丹梯樓上兒孫日課誦歲深阿母歸長夜獨留樓
樹誰相共樹旁樓漸傾洪子心為動樹旁樓復高
洪子心彌痛洪子洪子之孝思天長地久無時空

吳廷華 號東璧浙江錢唐
官中翰

相傍文宣古絳紗一枝紅杏聳檐牙樓居自是仙
人宅錦碎長開阿母花林宴熙春真樂事晨葩朱
萼舊因芽大巢補得南陔譜風觀峇亭莫漫誇

徐孝常 號東田上元人
官庶常

因樹樓詩卷五
門前苔點迎風綠階下草心零露肥嘉樹也知根
本厚至今常自帶春暉

莫嫌風雨妒花枝歲歲春分二月時花裏登樓人
不見聲聲吟徹白華詩

搖風已抱栢椿恨障日重看結構勞見說堂陰花
謝後白頭山鳥尙來巢

認取東風及第花高樓未築住天涯因吟詩句添
愁思春到江鄉夢到家

萬光泰

號循初浙江秀水人
孝廉

層樓軒敞如翬飛樓前種杏花實肥成陰不僅十
年記念母欲報三春暉空庭抱樹孺子慕深巷聽

雨行人稀絳趺朱萼誠可述補亡吾媿束廣微

全祖望

號雙韭山民浙江寧波人
官庶常

霜松雪栢婆娑處百尺紅雲遶桷生珍重孫枝善
封殖桐韓桂竇足齊聲

三世春暉一片心永懷堂背與堂襟清明暮雨低
迷日下有蘭牙茁滿岑

劉

楷

號風漢江陰人
文學

節孝感風雷寧獨及草木所以洪君家枯杏復樸
檄天地闡母賢孝子深孺慕因樹起高樓寸草春
暉煦諸孫各英俊鸞鷲雲初振昏曉讀書聲如在
岡千仞海波浮乾坤海氣幻風雨滄桑任變更斯

樓自千古

吳可馴號驥迨浙江仁和人

韋氏傳經絳幄開一枝春杏手親栽花時不復扶
輿至風木興悲絕可哀

孺慕依依誦蓼莪樓頭重見樹婆娑滿階春雨殘
紅落似灑王哀血淚多

團

昇

號柘岡揚州人
副貢

羲和兩轡更番驅雙丸更不停須臾蚤年客遊近
東海攝衣會上高樓居稔知洪母有令德文杏璘
彬手親植因樹爲樓繚以石每歲作花好顏色母
氏死杏花枯頽垣斷塹長薜荔旁風上雨號颼颼

樓再成杏花活萊公之竹田氏荆物理昭然詎無
說茫茫泉路日月迷望雲子舍終悲棲我傷靡恃
十四載蘭陔護砌紛涕洟行囊認取舊鍼綫猶是
當年遊子衣

吳

羣

號四可休寧人

生晚徒聞往事嗟從瞻紅杏識根芽園林看到又
三世堂構傳來是外家點逕落花思手澤拂雲高
檻渺天涯當年節孝能言者頭白故人非浪誇

杭世駿

號堇浦浙江仁和人
官編修

經帷分課記童時畫荻居然仰母慈莫恨杏花生
意盡春來又見長新枝

因樹柵言卷五
風木纏哀久尙存築樓仍傍杏花根他年老樹空
庭得指向丹陽六代孫

阮學浩

號裴園山陽人
官編修

小築閒園一徑開依然紅杏倚雲栽朝昏煙靄樓
邊景知有慈鴟遶樹來

當年手植盡成陰桂砌蘭叢取次深歷歷版輿登
陟處低徊孝子一生心

阮學濬

再見

樓高百尺杏成林雲構延連世澤深孝筍頻抽階
下籜慈烏遍繞樹間音尙垂嘉實懷餘陰更庇孫
枝息舊陰朱萼絳趺時入望會須重續白華吟

吳金翼

號文芑歙縣人
孝廉

昔時吾翁遊海濱過從冠蓋多文人就中接洽惟
洪子襟期迥出於風塵家闕數畝辟疆園門無俗
客車馬喧偶來百尺樓上坐連珠英物詩書敦竊
見樓額標因樹尋問構樓復何故頰齋含淚爲翁
言有母終天傷孺慕苦節未能遂表揚撫茲手植
增淒涼重培樓杏識此事丐君椽筆爲文章吾翁
感激不獲辭染翰揮題五字詩歸卧里門越二載
郵函繼請登劄剖余時厠聞空仰企縮地無由得
一至誰知霜露共愴情娑羅古屋生憂思小園梅
莊堂前
有娑羅樹
先世留遺
襍被曾經續舊遊恍惚未及登斯樓頻

因樹樓詩卷五
年羈旅揚州路與君硯北偕倡酬謂曲溪羨君才氣
可凌雲胡爲六息窮典墳如此鎡基應美獲節孝
家聲遠近聞

程 峯

號平川歙縣人
進士官郎中

有杏一株而母所植樓因樹構樹爲庭得方耀其
華護委堂北樓日以摧樹日以熄嗟哉孝子中心
惋惻天實眷之根茲潛折傑閣重開喬柯百尺春
露秋霜花時月夕載詠載歌式飲式食碎錦坊成
用綿先澤

尹會一

號健餘直隸博野人
官吏部侍郎提督江蘇學政

我昔出守淮之南收羅才士多梗柟其間洪生亦

超絕如珠出水劍出函暇日官齋集羣彥論文角
藝歌樂湛花壓闌干覓奇句茶香簾影偕清談洪
生爲我述祖德祖母恭勤盡婦職萊子扶成楚國
賢梁鴻伴作吳中客力耕磽瘠變豐腴海濱門戶
稍稍立無何祖病早淪亡青鬢抱子稱孤孀晝時
含淚績麻杲宵長乞火開書囊手植文杏甫拱把
春去秋來過簷瓦聞道曲江有此花栽培不是無
心者花不翫賞實不取每到花時泪如雨修竹之
節獨活根青松之貞黃蘗苦吾父旁窺識母心層
樓爲起當花陰年年春風二三月舞綵承顏壽酒
斟猶懼老懷不得樂謹身著意修天爵閑領諸兒

因樹樓詩卷五
樓上頭左右圖書安錯落展卷時令對聖賢不使
須臾成戲謔母常含飴弄兩孫訓誨孜孜無厚薄
讀書云似農力田鹵莽耕耘那能獲爾攀桂樹莫
逡巡吾種杏花原有託祖母仙去乘雲車杏樹忽
死如枯槎吾父號哭灑淚雨樹根露漬俄萌芽當
年丐我題詩句吏人散去初放衙簿書填委腦脂
重誰能漫與還塗鴉此諾於今十餘禩不忍食言
心尙繫蒙 恩重到主文衡節孝不彰吾所恥未
拈秃管泪先迸感念吾親骨未冷同是三冬冰雪
心應知騎鶴偕緱嶺我家止栽壠上松君家尙有
樓前杏仰瞻節母剩清風合使文孫衍餘慶莫同

萱草兒女花此枝此葉皆堪敬

顧之麟

號寸田浙江錢唐
人官庶常改授知縣

花底閒園築室寬黏枝紅蠟破春寒眼前便是思
維樹掩卷多時仰面看

鄭來

號松蓮徽州人
文學

凌空鴛瓦接交柯想見攀條憶母多東海種成初
拱把北堂別久已婆娑百圍樹老高檐合四面櫺
開密影和無限白華朱萼曲慈烏聲裏鼓琴歌

夏之蓉

號璧水高郵人
官檢討湖南學政

因樹作樓何崢嶸春來花發朝霞明主人因樹非
此樹繞樓百匝悲思縈童時阿母手種植讀書窗

因樹樓詩卷五
外紛繁英一株文杏暎卷軸勝三槐樹當軒楹自
從中年感風木臯魚泣血無餘聲涕沾草木總憔悴
睠茲手澤彌愴情書窗頽朽須經營幾年纔見
新樓成峩峩百尺矗碧落便如陟岵心怵怵大書
匾額曰因樹依然夬角伴短檠宣文絳帳長已矣
豈有枯樹還芽萌異事喧喧動閭里舊杏已枯新
杏生至性所感神鬼贊許家之松田家荆吁嗟淮
海富積貨夾道大宅連高甍歌樓舞榭亦無數轉
眼遷徙如流萍此樓因樹獨耐久樹枯樹發傳嘉
名可知孝弟冠百行尋常勢利焉能爭樓前杏樹
吾祝汝應見白鳥棲集丹禽鳴

程名世

號筠榭徽州人

猗歟文杏樹常傍小樓陰歷歲根盤砌經春花滿
林能齊松栢勁益動蓼莪心盡日凭闌望枝枝手
澤深

陳

枏

號春齋浙江仁和人
官編修

節母之操兮如松與筠文孫之名兮如蘭與蓀弭
棹邗水兮淹留涉旬母雖仙去兮猶挹清芬舊家
門戶兮海之濱手植杏樹兮敷芳春思罔極兮含
酸辛建層樓兮高入雲歷歲月兮常如新不隳圯
兮在嗣人屬毛離裏兮情誰伸相得益彰兮超凡
羣載彤管兮勵俗吾將入告兮 紫宸

黃裕號北垞徽州人

因樹爲樓枕碧濤讀書餘暇命香醪卽看入座皆
名士益信傳家有雋髦燕宿林間春雨細鳩啼屋
上海雲高輞川小館還堪擬作記須煩赤水毫

楊振昆號蓮塘武進人

最好江南二月天杏花春雨小樓前辛勤畫荻丸
熊處鄉里人稱阿母賢

一去青鸞紅杏枯終天有恨泪糝餽鼎新堂構追
先志花發孫枝宿孝烏

何時許我到名樓信宿花間一倡酬乘興拍肩窮
望眼海雲深處指神州

辛苦當年種樹人誦芬佳句勒貞珉他年史乘修
名傳鳳詔啣來到海濱

方求瑤號寧一桐城人

賢母勤劬天意知故將枯樹復生枝樓成依舊承
初志花發終因展孝思大海水流源不斷遠山雲
散影還遲從今閩苑春深日文杏常教雨露滋

胡姓號端林歙縣人

因樹樓高東海邊護持手種意纏綿華時莫著閒
絲管合奏南陔束皙篇

沈廷芳號秋林浙江仁和人

君是人間第一流怡親安隱小丹正還依阿母長

因樹樓言卷五
生樹更起承家百尺樓
天半神居迷望外
海邊春色上枝頭
當年宋庾多文藻
卜宅臨江興共幽

徐權奇

號麟超揚州人
文學

賢母勤劬久孝思
感念深樓成悲罔
極樹種識初心濱
海水流遠寥天雲
影沉從茲紅杏發
閩苑茂春林

儲麟趾

號梅夫荆溪人
官編修

千朶紅英照玉舟
版輿曾憶奉遨遊
倚樓昔日原攀樹
思樹今來復架樓
自是瞻雲悲落日
非關聽雨感涼秋
孝思不匱貽謀遠
堂構還看華實收

王

瑜

號暎湘湖南武陵人
官貴州普安縣

高樓峩峩峙淮海
樓邊杏樹春敷采
樓兮樹兮溯厥舊
樓在先兮樹在後
樹兮樓兮却有因
陳根陳跡俱更新
當時杏憶慈親種
兄弟讀書小樓共
寸草春暉歲歲悲
杏枯樓圯年年痛
再生穉杏復成樓
彷彿版輿常入夢
樹因人兮樓因樹
點綴亭軒美景聚
憑闌山色與波光
俯檻花香兼鳥語
經營結構劇清華
盡是孝思不匱處
楚南嗟余有荒廬
每歲天涯未獲居
空到牂牁喜捧檄
又趨京洛待除書
訪君却在邗江口
登堂飲我醇醪酒
酒酣灑筆一題詩
他日登樓再握手

許

濱

號江門鎮江人
太學

樓名因樹樹何因樹樹人歸歲月深花發及春紅
簇錦子成新夏綠垂陰敷榮益見栽培力守護長
懷怵惕心自爲容齋重續筆好傳盛事入文林

周人麒

號衣亭直隸天津人
官檢討

黃鵠興歌未是奇維揚壺範母兼師萱堂手澤分
明在教子樓頭杏一枝

洪氏新樓滿郡瞻三春花映讀書簾東風識得丸
熊處依舊飄香入畫檐

程盛修

再見

數椽突兀海之濱三匝啼烏涕淚新瞻望母兮惟
有樹登斯樓也豈無因儘教蔽芾貽孫子說到漂

搖憶苦辛奕奕清芬垂不朽褒揚久已遍騷人

汪錫祚

號浩泉歙縣人

毀齒花間來往頻外王父已白頭人從知四十年
前事更有辛勤畫荻親

郝家庭院滿春風偕隱當年事偶同不是枯根傳
苦節誰知感詠杏花紅

馬曰湘

號熊山祁門人
孝廉官湖北保康縣

昔吾老姑居海之隅鬢首持門旣勤且劬篝燈課
讀環列孫雛植杏於庭婆娑其下仲春花開尤憐
月夜繁衍其實蔽芾其陰勉厥貽謀誰知苦心母
也云殂樹亦爲枯諸孫感泣來棲孝烏誰謂一朝

因樹樓詩卷五
枝葉榮敷爰構茲樓仰蔭扶疎手把遺經弗倦弗
渝伊余薄宦學業疎慵何時稅鞅就讀樓中對茲
芳樹恍覩慈容斯懷未遂引領清風

鄭大孚

號西亭如臯人

遙憶層樓逼五雲傍花鳩庀不勝勤晴開玉几飛
紅雨夕倚明窗送暗芬碎錦坊中春晚晚洪厓樓
上霧氤氳寧知蕪手承先澤未應娛情獨自欣

程志乾

號書舸徽州人

高樓因樹築瞻望繫遐思試問憑闌處何如陟屺
時萼跗綿穉葉堂構蔭孫枝爲補白華什重唵束
皙詩

袁在朝

號小竹泰州人
歲貢

超然樓閣幾經年嘉樹陰森畫檻邊母德自應齊
古史家聲莫使墮前賢蕭疎葉聽秋風夜絢爛花
看春雨天取次煙光收不盡范隄淘水月涓涓

方元鹿

號竹樓歙縣人
太學生

高樓重葺度三餘孝友爭傳海上居想見主人情
思劇春風吹上杏花初

花光黯黯透春暉倚檻還愁花亂飛此意悠悠誰
戚戚不才今已兩年違

馮秉忠

號春田金壇人
孝廉

檻外烏棲樹外風樓因樹起暮還空霜清荻影萱

因樹樓詩卷五
堂北松吼濤聲海郡東別館爭春傷暈雪山橋碎
錦怯啼紅婆娑姿意盡孫枝發萬緒憑闌一望中

胡善慶

號半山祁門人
候補司經局典簿

樹以樓標美樓緣樹著名遠從西北望不斷白雲
明春雨崇朝過枯枝一脉生彤篇留故事千載誌
精誠

造物闢瑰異都於創劫聞播流傳大節培養及深
仁卽事古無匹微奇世合尊平原閒草木未可與
同論

張正治

號賓上陝西蒲城人
歲貢

幾番春色鬧枝頭金昆挈我登斯樓爲言手植祖

母劉以燕翼子貽孫謀母亡樓圯紅英休忘憂摧
盡空離憂無端仙種萌且勾欣將榱桷重增修絳
跌丹萼青枝樛異事傳說海東陬母賢子孝誰與
儔孫枝競秀材殊尤仰承祖德深遺留槐庭兆爾
爲公侯探花上苑登瀛洲午橋更闢林塘幽因中
有創世作求克自樹立名千秋嗟予先人豪氣凌
九州艱辛創業何因由漸覆一簣營菟裘晚憑百
尺舒雙眸咄哉堂構遭侵蝨昔曾燕賀今啁啾黃
鶴一去雲悠悠碎錦飛盡風颼颼吾曹鹿鹿筆難
投坐視大樹撼蚍蜉輸與玉父駒父才名優孰奪
梓澤成荒邱夜聽春雨恣吟謳閒來瞻望慈雲浮

母乘玄鶴驟靈蚪
咲看子孫千葉稠
竹苞松茂無相猶
對茲花萼深綢繆

江春號穎長歙縣人
候補副使道

重葺斯樓杏再華
依然樹立海之涯
清芬追誦先人世
手澤因遺孝友家
紐氏有槐差可擬
申屠爲屋自同誇
絳趺丹萼何由見
肯許春風來繫艇

蕭錫祚號培園湖廣江陵人
孝廉官鹽大使

文杏留遺澤層樓起
孝思從來意融洽
自爾具靈奇淘水培
仙種三山陰遠枝
至今傳母德倚樹賦
新詩

王世錦號濯江甘泉人
文學

萱草堂前杏成樹
萱草花時杏無數
樹下當年奉版輿
萊衣彩袖薰風度
萱萎堂空杏不春
樓名因樹孝思親
却看茂發孫枝秀
百尺登雲大有人

釋先智號潛能蘇州法螺菴僧

淮海人傳因樹樓
無方縮地一閒遊
天憐節孝枯根活
世重瑰奇好句投
嗟我空門猶孺慕
子母七
十兩兄俱歿迎養
於菴中感君高誼
幾淹留曲溪居士
三寓最契法螺盤桓
殷勤爲語當年事
比築懷清可共儔

釋汎號葑畊揚州僧

乾坤如轉軸興廢必
以因東海有賢母
德音天下聞手植
文杏花一樹成嶙峋
賢母愛此樹結樓與

之隣中立義方教勗諸子若孫一朝母仙逝樓傾
樹不春皇天多愍覆忽發枯樹根未幾樹作花紛
然益精神令子勤孝思復此高樓新樓上白鳥巢
樓下朱鳶親感彼四方士一時集如雲嗟我方外
人有母髮似銀未得時供奉奈此漂萍身今作賢
母詩使我心欲焚

釋道也

號不可本家僧

猶憶童穉時食實樓下樹蹉跎四十年衣緇歸覺
路伯孝已云亡兄賢煩屢顧枝上有春風喚起啼
鳥曙

道林朝陽

號鳳山浙江天台山人

青海洪源宅花因節孝傳母垂慈奕世孫仰庇重
天樹醒超凡劫樓成傲列仙幾多騎鶴客臨眺渺
蒼煙

紘

號竹庭文與子

伯母馬氏秉松筠三十已作未亡人門祚衰薄感
心神畫荻丸熊媿其倫子然摺拄惟一身母賢子
孝世相因一草一木皆天真老杏枯死穉杏新闢
樓追思思無垠我借小阮來逡巡誦讀樓中數夕
晨清風樹下瞻蒼旻勿忘植蔭辜深仁及時努力
邀絲綸一枝早占上林春

鍾

號非魯國學

因樹樓詩卷五
樓頭日麗樹下風微版輿事杳懷想依依
高舉文孫心窮典墳時復長嘯清陰滿園

耀號鑑軒

吾門有母世稱賢
搯比霜松雪竹堅
一自朱顏歸地下
但留紅杏在樓前
型模我快家風好
事跡人爭翰墨傳
曩昔承歡猶有見
枝頭繁萼笑年年

貽慶校字

因樹樓題詩餘卷一

振珂

潛川 洪振玉仝編輯

振瑛

吳之直 號赤苑徽州人

調沁園春

東望滄溟花裏層樓依依水隈想雲窗月牖潛移
蛟窟瓊枝珠樹直接蓬萊鳩杖慈親版輿孝子寂
寞其中度歲來皇天眷感白鳥翔止絳雪重葦
揚州多少樓臺誰似此芳名千古佳算迎仙騎鶴
都歸劫火摘星明月總付寒灰堂構長新孫枝競

秀伯仲翩翩並偉才憑闌處有清詞題罷無限低
徊

田有伊

號省齋江都人
孝廉官山西浮山縣

調臨江仙

樓外婆娑紅一樹樓頭掩映青燈當年孟母繫深
情植槐昌厥後九膽玉於成惆悵春風悲夜月
人違物往飄零重栽芳杏廓高費孝思欣有託世
德慶相承

須天祿

號

人

調菩薩蠻

卓哉賢母清徽遠手栽紅杏垂陰滿課讀在高樓

樓前春色稠音容嗟共杳踵武推仁孝輾轉事
相因箕裘奕禩新

吳

翽

號蔗軒休寧人
國學

調高陽臺

嘉樹婆娑層樓迤邐年來覆庇諸昆閫範遺踪永
堪事事師承丸熊課讀親栽植恰扶疎杏纈成林
歷朝昏攀仰甘棠手澤猶存迴思物換星移後
向東風院宇封殖慙慙丹蘄維新舒眸那慰瞻雲
緇帷養就冲霄翮拜龍章指顧恩榮漫沉吟眄盼
徽音孝德芳芬

郭

渠

號方儀山西臨汾人
文學

調虞美人

小樓昨夜春陰細，雨濕闌干翠。雨中無復杏花紅，惟有畫梁雙燕翦東風。當年手植人何處，雲掩西山暮。白頭還是想慈親，便自孩提孺慕到如今。

陳

鎮

號倫西泰州人
文學

調鷓鴣天

綠樹侵簾冷似秋，凭闌四望野煙浮。回思手澤依稀在，清夢年年逐水流。瞻蔭庇，念箕裘。烏啼花落總含愁。春來多少傷心處，一度思親一上樓。

程

莊

號

人

調最高樓

名園杏爛熳，映溪流，碎錦燦芳洲。辛勤慈母親培植，恰當雛鳳讀書樓。夜鳴機，晨課誦，好貽謀。胡
一旦北堂護草萎，曾幾載東濱高閣圯。嘉樹歇，穉枝抽，重看梁棟新丹蘂。逢春依舊綠陰稠，實纍纍，綬若若，並迎眸。

陳

阜

號對鷗浙江錢唐人
國學

調南樓令

風雨畫闌空，春寒二月中。正江南繁杏初紅，暗憶先人遺澤在，憑檻立，淚何窮。隙地借堂東，高樓構影重。每花時將母扶筇，望盡白雲多少思，還繞砌護芳叢。

彭琮璋

號

人

調蝶戀花

爲感庭護新舊址手澤常存勝嚙曾參指昔日丸
熊今繼美扶風絳帳應如此 嶺上梅花蕭孝子
文杏梁高遙與爲鄰比春雨江南踈檻裏白雲紅
樹齊飛起

江

昱

號賓谷徽州人
文學

調高陽臺

晴蕊融霞穠華豔玉栽培猶記年年慈蔭婆娑小
樓靜啟花天笑斟雪酷扶輿樂愛江南春雨如煙
稱閑居綺石紋窗碧甃紅泉 美談最是分甘處

撫文衣繡祿閨閣名賢仁孝相承榮看嘉樹依然
須知此意堪千古正何妨碎錦同傳况孫曾拭目
探花競上芳筵

金文淳

號質夫浙江錢唐
進士官直隸錦州府

調南樓令

密葉畫闌空閒庭結構工有補詩束皙居中草帶
苔錢濃似染閒嘯詠落花紅 簾捲綠陰重清光
到處同問版輿消息成空獨倚小樓思往事正一
樹五更風

陳尙友

號遜心休寧人
進上官浙江龍泉縣

調玉樓春

版輿行樂當年路依舊杏花開滿樹慈烏喚起白
頭人寂寞闌干風景暮 高樓重構悲霜露感戀
春暉懷孺慕江南二月欲沾衣半是思親清泪注

汪

馭 號嘉遠徽州人
文學

調清平樂

栢舟早賦操作搯門戶玉筍斑斑欣接武課讀杏
花春雨 樓頭碎錦消沉思親餘愛悲吟依舊重
開三逕因風懷想登臨

程應珂

號鄰張休寧人
候補同知

調喜遷鶯

萱草萎白雲飛花萼錦屏帷宣文絳帳至今垂重

慶湖含飴 樓再新杏生穉追憶承歡往事曉窗
驚夢有烏啼腸斷最高枝

吳公瀛

號學山徽州人

調畫堂春

空餘樓閣傍斜陽只今賢母云亡階前手種有餘
芳紅杏過牆 孝子徘徊撫樹思親血淚沾裳董
林奕世合無雙東海蒼茫

魏

誠 號和村山東萊蕪人
候補通判

調滿庭芳

碎錦繽紛濃陰搖曳芳時眷戀春暉誰知中道血
泪濺萊衣追憶頓成往事忍拋却手澤依稀花間

路重來慘切常對白雲飛
高樓連苑起粉牆紅
樹白版雙扉問南陽西蜀
可似棲遲雖則萱庭信
杳猶瞻望絳帳書帷諸
孫輩崢嶸頭角攀折杏花
歸

時鈞轍

號西崑嘉定人
官侍御

調小重山

一樹午橋莊裏春濃陰重
自昔翳庭萱思量母氏
泣聲吞萊衣故襟上有啼痕
花下課諸孫曲闌
干畔舊樓存重新結構做
高門傳賢孝投贈遍楹
軒

宮大鵬

號天池泰州人
官

調烏夜啼

緘情重構高樓杏花稠
獨有思親人老念無休
懷聖善孝名遠遍遐陬
指日攀枝爭插少年頭

唐續祖

號郢似江都人
官順天府同知

調減字木蘭花

慈幃手植不道年深曾蠹蝕
稚杏重生花比當年
一樣春樓高傍海陟吧情
深應有在奕葉家聲
母德昭然庇後人

林華封

號月峯廣東莞人
官陝西岐山縣

調杏花天

春來不問春深淺但只見
杏花開遍慈親手植堪

留戀陟屺空悲聖善 重肯構樓名獨顯昭母節
冰霜淹蹇仙根澤比甘棠遠珍重後人勿翦

徐以豐

號 官泰州同知 浙江德清人

調訴衷情

高樓突兀倚晴空簾外晚雲濃又是一番春雨開
到杏花紅 凭檻立感遺踪思何窮慈容不見園
林空老泪灑東風

方

愉

號北山徽州人 孝廉官助教

調南樓令

春色到花稍闌干倚寂寥悵先人手澤昭昭芳逕
版輿當日事閑凝望白雲遙 樹老薄層霄樓高

接斗杓念春暉母氏劬勞孝思祇今符往哲傳盛
事在東淘

吳之彥

號碩夫徽州人 官主政

調臨江仙

聞道當年花放好版輿常到芳叢慈萱已萎畫樓
空重來花下立淚落點衣紅 此恨無邊從訴起
慘舒盡在東風數聲烏鳥昔時同五更深樹裏腸
斷露華濃

樓

錡

號于湘長洲人

調齊天樂

華堂白髮歸何許空留數株仙杏節近清明花開

因樹樓詩餘卷一
爛熳人道曲江堪並蘭陔輟詠幾慘澹春暉淒迷
芳徑陟屺餘閑就中添箇小樓凭 根荻顛頽斷
砌感當年手澤神佑潛應依舊成陰等閑結實玉
樹孫枝交映每逢花信記奉杖承歡舉杯稱慶寂
寞闌干海風天外冷

陳學書

號松谷浙江錢唐人

調鷓鴣天

一片生紅薄畫檐樓頭曉日正開簾諸孫課讀芸
窗裏慈母楮笻芳逕前 閑指點小留連殷勤培
溉待他年曲江苑裏題名日好看花枝壓帽簷

姚

構

號肯堂浙江紹興人

調念奴嬌

杏花開處有層樓飛起一簾紅雪種樹北堂人健
在歲歲樓中祝噎畫荻窗虛授經幔冷從此芳華
歇任他荒圯追思何限悲咽 詎料春雨聽殘土
膏潤後老幹花爭發傑閣重開還可倚堪比白鳥
蒙樾光武墳邊賴鄉祠畔爛熳都休說倚欄唵眺
錯疑枝上鷓血

江炳炎

號研南浙江仁和人

調高陽臺

因樹名樓因樓題句洪家孝友堪傳舊種庭花繁
紅飛遍檐前薰爐茗椀渾間事萃賢昆繹古尋篇

因樹樓詩餘卷一
是年年待月，裏個聽雨留連。東風黯黯吹開，候
捧輕軒小駐，歡列長筵。可惜高枝無端，忽萎荒煙。
根芟重茁，些兒影漸抽條，做弄鮮妍。思綿綿一度
逢春，一倍潛然。

吳廷采

號章五，徽州人，國學。

調小樓連苑

庭前舊種仙株，小樓深窈，交相翳當年奉母版輿。
不用閑隨杖履，東風幾度，花欹牆外，樽開樹底，最
驚心瞥眼，綠窗雨剝，更遣紅銷旖旎。好是柔條
再發，似相報上林春意，連綿世澤。一枝將落，一枝
還起，舊時慈蔭，宛然在目，危梯斜倚，羨依然百尺。

層檐重構，盡日憑高凝睇。

丁

敬

字敬身，號龍泓，浙江錢唐人，徵士。

調摸魚兒

望瀛壖翠蓬相近，玲瓏誰闢窗牖。仙葩一樹微烘，
絳碎錦移來，非久開雨後也。全勝林家梅萼，陶家
柳懷清阿母。想課帙餘功，紡塲小暇，一試種花手。
君知否，刻意栽培最厚，曲江他日春晝。蘆鞭密
映宮袍色，恰與孫枝爭秀。傳衆口看此際，飛英都
聚紅雲帚。何須虎守，更合付詞流，鏤冰琢月好句。
寫齋白

程師聖

號仰山，歙縣人，候選州司馬。

調祝英臺近

畫樓前欄檻外繁杏滿紅樹手澤猶存春暉已西
暮空餘鳳引雛清鶴添子和消受得一燈風雨
幾延佇便是荻管紗帷芳名並千古樹老枯榮孫
枝映庭戶他時上苑攀花長林走馬念母氏劬勞
心苦

胡川至

號問昭儀徵人
文學

調滿江紅

憶昔經過看樓畔花如錦簇常共話舊丸熊處數
椽供讀詎料驂鸞人易逝頓令憔悴風霜速幸長
君孝友念貽謀鳩工夙樓再葺渠渠屋枝復活

陰陰木更文孫繼起名高潘陸不到東淘今已久
勝事詞盈幅羨豫章澤厚自流長從茲卜

王世球

號賀堂甘泉人
文學

調小重山

南陔笙裏杏花紅朝暉春正好小樓東畫欄相對
忽惺忪人何在樹折五更風彈指一聲中柔枝
新弄影轉葱蘢花飛仍點舊簾櫳因依乘來往白
雲濃

其籍

號詠懷

調一叢花

婆娑紅杏倚簷開慈母手親栽花繁自帶朝霞色

看樓頭簾捲蓬萊諸孫繞膝含飴課讀家慶正康
哉無端青鳥忽飛來一夕婺光摧臯魚風木興
悲感憶菁莪詩句難裁孝思不匱亢宗有待奕葉
振英才

貽燕校字
貽緒

記曰其先祖無美而稱之是誣也有善而弗知
不明也知而弗傳不仁也此三者君子恥之小

子珂記幼時分甘祖母膝下慈顏溫語無不以
樹立爲訓長而過庭先君子述祖母苦節事聲
淚俱下欲不肖有以顯揚之而無如時命不偶
蹉跎蹇連將老死牖下雖有知之之明更進而
念所以傳者無方也倘因循不勇不仁之恥無
所逃矣爰求在朝在野之宗工巨匠能亮其不
誣借以寵光三十餘年雖片言隻字什襲藏弃
久而積成若干卷壽諸梨棗異他日採風者有
所選擇若劉中壘列女傳之類庶幾用少疚於

寸心云爾次孫 珂敬跋



